





[General](#)

Pasangan kembar terima sumbangan komputer riba dan bantuan awal pendidikan UMPSA

16 July 2024

KUANTAN, 15 Julai 2024 - Pasangan kembar yang merupakan pelajar lepasan Sijil Pelajaran Malaysia (SPM) dari Sekolah Menengah Kebangsaan Pelabuhan, Nur Fatin Ariena Zaidi dan Nur Fatin Ariesa Zaidi tidak menyangka menerima kunjungan daripada Universiti Malaysia Pahang Al-Sultan Abdullah (UMPSA) bagi menyampaikan sumbangan komputer riba dan Bantuan Awal Pendidikan sebagai persediaan pendaftaran pelajar baharu UMPSA bagi program diploma pada 27

Julai 2024 nanti.

Kedua-duanya yang juga merupakan peserta Program Akademik Menara Gading Al-Sultan Abdullah ini menerima sumbangan yang disampaikan oleh Naib Canselor UMPA, Profesor Dato' Ts. Dr. Yuserrie Zainuddin di kediaman kakaknya di Beserah.



Profesor Dato' Ts. Dr. Yuserrie berkata, pihak Yayasan UMPA telah memperuntukkan sebanyak RM200,000.00 dana Bantuan Awal Pendidikan dan insentif kecemerlangan buat pelajar yang memilih UMPA sebagai universiti pilihan pertama.

“Sumbangan ini adalah khusus untuk pelajar yang berasal dari keluarga kurang berkemampuan yang memenuhi kriteria yang ditetapkan.

“UMPAS juga telah mengenal pasti pelajar yang berkeperluan dan pada masa ini beberapa kumpulan Skwad Yayasan UMPA dan staf Jabatan Hal Ehwal Pelajar dan Alumni (JHEPA) mulai bergerak di setiap negeri termasuk Sabah dan Sarawak bagi menyampaikan bantuan dan menyantuni keluarga untuk urusan pendaftaran terutamanya yang jauh di pedalaman.

“Semoga pelajar-pelajar yang telah menerima tawaran di UMPA ini, jika menghadapi masalah bolehlah berhubung dengan pihak Yayasan UMPA untuk mendapatkan maklumat serta bantuan yang diperlukan,” katanya yang hadir menyantuni keluarga penerima manfaat.

Manakala pasangan kembar Fatin Ariena Zaidi dan Nur Fatin Ariesa Zaidi melahirkan rasa gembira dan tidak sabar untuk mendaftar sebagai mahasiswa apabila ditawarkan program Diploma Sains Industri yang akan mendaftar pada 27 Julai ini di UMPA Kampus Gambang.



Bagi Fatin Ariena pula mereka sekeluarga terkejut dengan kehadiran staf UMPSA ke rumah kakaknya dan menerima sumbangan komputer riba, wang tunai dan kit bantuan buat mereka sekeluarga namun bersyukur dengan bantuan ini.

Hadir sama Ketua Pegawai Eksekutif Yayasan UMPSA, Mohd Jamil Mohd Jaafar, Pengurus Besar, Jabatan Hal Ehwal Pelajar dan Alumni (JHEPA), Haryani Abdullah, Pengurus Jabatan Canseleri, Muhammad Faisal Mohd Yasin dan Pengarah Pusat Komunikasi Korporat, Mimi Rabita Abd Wahit.

Disediakan Oleh: Nor Salwana Mohamad Idris, Pusat Komunikasi Korporat

[View PDF](#)